

06. november

UKA2018/41

Nunatsinni aatsitassarsiornermi uranimik aatsitassallu allanik ulorianartunik qinngornertalinnik saniatigut tamakkiisumilluunniit paaasoqarsinnaalissanersoq pillugu innuttaasunik taasititsisoqarnissaanik siunnersuut, taasititsinissarlu sioqqullugu inuit ilisimasanik tamakkiinerusunik tunngavisseqqullugit arlaannaannut attuumassuteqanngitsumik suliamillu ilisimasaqarnermik illuinnaasiunngittumillu tunngaveqartumik paasititsiniaanerit aallarteqqullugit Naalakkersuisut peqquneqarnissaat pillugu Inatsisartut aalajangiiffigisasattut siunnersuut.

(Inatsisartunut Inuit Ataqatigiit ilaasortaataat)

Inuit ataqatigiit inatsisartuni ilaasortaataasa siunnersuutaat Siumumiit ima oqaaseqarfigissavarput.

Siullermik Siumumiik oqaatigissuarput, apeqqut manna uran pillugu taasisitsinissaq Inuit Ataqatigiinniik qineqqusaarnerni kingullerni arlaqartuni eqqartorneqartarmat qineqqusaarutigineqartarluni, Siumumiillu tamanna illuatugilertuartarparput, erseqqissaatigalugu ullumikkut aatsitassarsiorneeq pillugu isumannaatsumik Inatsisitigut malitassa qaratta aammalu aatsitassanik uaranimik akulinnik paaasoqassappat aatsaat tamanna pisinnaasoq inunnut avatagiisimullu uloriananngitsumik ingerlanneqarsinnaappat.

Taamaammat pissusissamisussaaq Siumumiit aatsitassarsiornermut politikikkut anguniakkavut erseqqissaatigilaaraanni.:

Nunatta pisuussutaanut tamanut oqartussaanerput Namminersorneq pillugu inatsisikkut naqissuserneqarpoq, taamaalilluta nunatta pisuussutaasa qanoq atorneqarnissaat pillugu tamakkiisumik oqartussaanerput qulakkeerneqarluni.

Pisuussutivut uumaatsut, aatsitassat, ikummatissat ujaqqallu illernartut niuernikkut iluaqutiginnissaat siunertaralugu misissuinerit ingerlaannassapput, tamatumani erngup, seqernup anorillu nukingini atuinikkut tunisassiorsinnaaneq ilanngullugu.

Aatsitassarsiornermi unammilleqatigiiffiusumik pitsaasumik atugaqartinneqassapput, aatsitassarsiornerillu ingerlanneqassapput avatangiisit mianeralugit. Siumup pingaartippaa nunatta nunatut aatsitassa qarfiusutun nunanut allanut aatsitassa qarfiusunut unammillersinnaanissaa.

Aatsitassarsiornermi uuliasiornermilu avatangiisimik mingutsitsineq Siumup naaggaarlunnarpaa, taamaattumik tamatuma pisarsinnaaneranut upalungaarsimanermit atortussat tamarmik nunatsinni pigineqarnissat qularnaarneqassaaq.

Nunatsinni aatsitassanik paaanerit atuinerillu nunatsinnut inuillu aningaasarsiornikkut iluaqutaanerpaasunngorlugit ingerlanneqartassapput.

Aatsitassat piarneqarneranni, uuliap qallorneqarnerani ujaqqallu illernartut piarnerini nunatsinni nakkutilliinermik ingerlatsineq nukittorsarneqassaaq (Aalisarnermik Nakkutilliisoqarfimmut assingusumik), taamaaliornikkut pisuussutinik uumaatsunik atuneq niueruteqarnerlu eqqortumik nalunaarsorneqarlunilu ingerlanneqassamat. Piiarnermi unioqquitsisunut sakkortunerusumik pillaaitsiisinnaaneq misissorneqassaaq.

Aatsitassarsiornermi pinngoqqaatit qaqutigoortut piiarneqarnerini piiarneqartut uranitaat bi-produktitut tunisassiarineqarnissaat periarfissaassaaq. Piiannermi nunarsuarmi malitassat atuuttut isuman-naallisaanermut tunngasut malinneqassapput, soorlu IAEA-p malittarisassai.

Aatsitassarsiorfiit uuliasiorfiillu ingerlanneqartussaattillugit tamatigut kommunit qanimut peqataatinneqartassapput, tamatumani isumaqatiginninniarnerni IBA-mik taaneqartartuni aatsitassarsiorfiusup qanigisaani inoqarfiit sapinngisamik annertunerpaamik peqataatinneqarlutillu iluanaaqataatinneqarnissaat qulakkeerneqartassaaq.

Taamannak oqaaseqarluta Nunatsinni aatsitassarsiornermi uranimik aatsitassanillu allanik ulorianartunik qinngornertalinnik saniatigut tamakkiisumilluunniit piiasoqarsinnaalissanersoq pillugu innuttaasunik taasititsisoqarnissaanik Inuit Ataqtigiit Inatsisartuni Ilaasortaataasa siunnersuutaat Siumumiit itigartipparput.

Henrik Fleischer, Siumut